

CRNOGORSKI BUČARSKI SAVEZ

Njegoševa, 85320 TIVAT

tel/fax +382 69 557 267

Žiro račun : 530-5153-74 (NLB banka)

PROPOZICIJE TAKMIČENJA CRNOGORSKA BUČARSKA PRVA LIGA sezona 2025.

I. OPŠTI DIO

Član 1.

Prvi dio takmičenja počinje u aprilu a drugi dio takmičenja se nastavlja u septembru 2025. godine u skladu sa Kalendarom takmičenja usvojenom od strane Upravnog odbora. Kalendar takmičenja uslovljen je međunarodnim kalendarom F.I.B. i F.E.B. U Crnogorskoj bučarskoj Prvoj ligi (u daljem tekstu CBPL) takmiči se šest klubova, i to: BK „Omladinac“, BK „Budućnost“, BK „Kalimanjac“, BK „Palma 1972 II“, BK „Bacchus“ i BK „Meljine II“. Igra se po dvokružnom bod sistemu.

Član 2.

Zagrijavanje koje slijedi (15 minuta prije početka susreta) određeno je u trajanju od 5 minuta za sve igrače. Tokom zagrijavanja (najkasnije 2 min. prije isteka zagrijavanja) voditelji ekipa prijavljuju igrače za I turu i vrši se žrijebanje terena.

U CBPL susret se sastoji od četiri ture igranja i to ovim redom:

- I tura: trojka, krug i dva (2) pojedinca. Žrijebom se određuje gdje se koja disciplina igra. Zagrijavanje je određeno u trajanju od pet minuta.
- II tura: dva precizna izbijanja paralelno. Precizno izbijanje se izvodi na stazi 1 i 2. Zagrijavanje za precizno izbijanje odvija se na tepihu i traje pet minuta. Parovi izbijanja koji će se međusobno suprotstaviti ne određuju se ždrijebom. Igrač prijavljen kao broj jedan (1) igra protiv protivničkog broja jedan (1). Isto važi za drugog izbijanja. Žrijebom se određuje koja ekipa počinje prva sa izbijanjem. U drugom paru izbijanja je obrnuti redoslijed.
- III tura: štafeta izvode po dva igrača iz svake ekipe (u skladu sa MTP). Ova disciplina izvodi se na stazi 3. Zagrijavanje traje 3 minuta.
- IV tura: dva (2) para, krug i pojedinac. Voditelj prijavljuje par jedan(1), par dva(2). Žrijebom se utvrđuju staze na kojima će se igrati pojedine discipline. Par prijavljen kao broj jedan (1) igra protiv protivničkog broja jedan (1). Isto vrijedi i za drugi.

U IV turi discipline pojedinac i krug ne može nastupiti isti igrač kao u I turi.

Pauza između svake ture igranja određuje se u trajanju od pet minuta. Za vrijeme ove pauze kapiteni ekipa ili voditelji ekipa su dužni da na pisanom obrascu, koji propisuje CBS, izvrše prijavu igrača za narednu turu igranja. (najkasnije 2 min. prije isteka zagrijavanja).

Član 3.

Kada dođe do prekida igre dužeg od 30 minuta obavezno je zagrijavanje u trajanju od tri minuta.

Član 4.

CBPL je jedinstvena liga i igra se na cijeloj teritoriji Crne Gore.

U Crnogorsku bućarsku Super ligu ulazi prvoplasirana ekipa iz CBPL.

Iz lige ispada posljednje plasirana ekipa.

Član 5.

Upravni odbor CBS imenuje Komesara za takmičenje u skladu sa Pravilnikom o takmičenjima.

Komesar za takmičenje rukovodi takmičenjem u skladu sa odlukom Upravnog odbora o imenovanju komesara i Pravilnikom o takmičenjima i ovim propozicijama.

Komesar za takmičenje dužan je da vodi evidenciju o svim postignutim rezultatima i na osnovu njih i Pravilnika o takmičenju i ovih propozicija izrađuje tabelu o plasmanu ekipa. Izvještaj o postignutim rezultatima i tabelu o plasmanu ekipa Komesar je dužan da dostavi ekipama učesnicima CBPL nakon svakog odigranog kola najkasnije tri dana po odigravanju svih utakmica tog kola.

II ORGANIZACIJA TAKMIČENJA, PRIJAVE I SUDJELOVANJE

Član 6.

Klub koji je prema rasporedu takmičenja domaćin susreta, odgovoran je CBS-u za uspješnu organizaciju susreta.

Član 7.

Klubovi koji učestvuju u CBPL moraju biti uredno registrovani kod nadležnog državnog organa i kod CBS-a.

Igrači i voditelji ekipa klubova koji učestvuju CBPL moraju biti uredno registrovani kod CBS-a.

Klub mora sekretaru CBS-a najkasnije do 10. marta 2025. godine javiti adresu terena na kojima će klub igrati, adresu sjedišta kluba i e-mail adresu kluba, ime i prezime osobe za kontakt kao i njegov broj mobilnog telefona (sekretar kluba, i/ili voditelj ekipe i/ili kapiten ekipe). Tako dostavljeni i objavljeni podaci smatraju se službenim kontaktima kluba koji se koriste za uspješnu organizaciju i odvijanje takmičenja.

Član 8.

Početak susreta ligaškog takmičenja je u 18 sati, osim ako Komesar za takmičenje ne odredi drugačije za pojedine susrete.

Po dolasku na susret klubovi su dužni predati sudijama spisak igrača ekipe i knjižice o registraciji igrača koji će nastupati na susretu, najkasnije pola sata prije početka susreta.

Na spiskovima klubova igrača, igrači koji su na dvojnoj registraciji moraju biti posebno naznačeni (nakon imena i prezimena dodati (dvojna registracija)

Nakon pregleda spiskova i valjanosti knjižica o registraciji igrača obavlja se priprema za prvu turu takmičenja.

Član 9.

Prijaviti se može minimalno šest (6) igrača, a maksimalno devet (9) igrača plus voditelj ekipe.

Ekipe može započeti susret samo ako na početku susreta na teren izađe minimalan broj igrača potrebnih za odigravanje prve ture susreta.

Nakon oglašavanja početka susreta igrač može nastupiti na utakmici ako kasni do 15 minuta od početka susreta.

Svaki prijavljeni igrač može nastupiti u maksimalno tri discipline ali od toga u najviše u dvije tehničke discipline. Isti igrač ne može u toku susreta ponoviti disciplinu i tokom jedne ture igre može nastupiti u samo jednoj disciplini.

Pravo prijave i nastupa imaju svi uredno registrovani igrači s valjanom potvrdom o zdravstvenoj sposobnosti.

Igrači koji na susret dođu bez knjižice o registraciji mogu nakon provjere o tome da li je igrač registrovan za tu ekipu za takmičenje u CBPL, što se provjerava uvidom u Spisak igrača ovjeren od strane CBS i utvrđivanjem njegovog identiteta uvidom u ličnu kartu ili neku drugu javnu ispravu sa fotografijom, nastupiti na susretu u skladu sa odredbama koje su propisane Pravilnikom o takmičenjima CBS-a.

Za svakog igrača bez knjižice, klub je dužan uplatiti kaznu na račun CBS-a u iznosu od 20 eura u roku od 24 h odnosno od prvog narednog radnog dana.

Sudija je dužan da u napomeni zapisnika navede o kojem se igraču radi.

Član 10.

Voditelj ekipe može nastupati na susretu i kao igrač i tada prilikom prijave uz licencu voditelja ekipe predaje i knjižicu o registraciji igrača.

Voditelj ekipe ne može obavljati svoju ulogu voditelja ekipe za drugi klub istog ranga takmičenja u kojem se takmiči klub u kojem je on registrovan kao igrač.

Član 11.

Klub koji neopravdano ne nastupi na utakmici kaznit će se oduzimanjem 2 boda na tabeli.

U slučaju nedovoljnog broja bodova kazneni bodovi prenose se u slijedeću takmičarsku sezonu bez obzira na rang takmičenja. Takođe klub će biti kažnjen u skladu sa odredbama Pravilnika o takmičenju CBS-a i Disciplinskim pravilnikom CBS-a.

U ponovljenom slučaju – unutar jedne takmičarske sezone, kada ekipa ne odigra susret smatra se da je odustala od takmičenja.

U tom slučaju i u slučaju kada ekipa iz nekog drugog razloga odustane od takmičenja postupi se u skladu sa Pravilnikom o takmičenjima CBS-a.

Ukoliko u toku jednog prvenstva ekipa izgubi dvije utakmice službenim rezultatom, ekipa se automatski diskvalifikuje.

III TERENI SA PRPADAJUĆIM INSTALACIJAMA I OPREMOM

Član 12.

Ekipa može prijaviti i nastupati samo na terenima koji su licencirani od strane CBS-a u skladu sa Pravilnikom o licenciranju bućarskih terena.

Član 13

Ekipa koje se takmiče u CBPL mogu odigravati susrete isključivo na terenu sa namanje četiri staze, koje čine bućarski teren.

Član 14.

Kontrolu ispravnosti terena, odnosno propisa o ispravnosti terena koji su predviđeni Pravilnikom o licenciranju bućarskih terena, prije susreta obavljaju sudije. U slučaju neispravnosti terena sudija određuje vrijeme u trajanju od jednog sata kao bi organizator susreta odnosno domaćin susreta uskladio terene s propisima datim u Pravilniku o licenciranju bućarskih terena.

Član 15.

Na terenima na kojima se odigravaju utakmice ligaškog takmičenja u organizaciji CBS-a mora biti tokom cijelog susreta na vidnom mjestu istaknuta državna zastava.

IV TEHNIČE NORME, ŽDRIJEB, SATNICA, ODREĐIVANJE PLASMANA, NAGRADE, DRESOVI, TEHNIČKO VOĐENJE, SUĐENJE I ŽALBE

Član 16.

Ždrijeb za takmičenje u CBPL obavlja Komesar za takmičenje u prisustvu najmanje tri člana Upravnog odbora nakon završetka perioda registracija klubova za takmičenje a u skladu sa Pravilnikom o registraciji klubova i igrača. Na ždrijeb se pozivaju i predstavnici svih ekipa koje se takmiče u CBPL.

Raspored takmičenja, u kojem je naznačen dan i sat odigravanja, susreta dostavljaju se svim ekipama koje se takmiče u CBPL a najkasnije tri dana po obavljenom ždrijebu.

Susreti u CBPL igraju se po pravilu ponedjeljkom i ne mogu početi prije 17 niti poslije 19 sati. U koliko dođe do odlaganja sureta i za novi termin susreta bude određena subota ili nedelja susret ne može početi prije 9 niti poslije 19 sati.

Član 17.

Klasične discipline igraju se do 13 punata uz ograničenje vremena na 75 minuta.

U disciplinama par i trojka moguća je zamjena jednog igrača.

Član 18.

Zagrijavanje koje počinje 15 minuta prije početka susreta određeno je u trajanju od 5 minuta za sve igrače. Zagrijavanje može početi samo ako je ekipa izvršila prijavu igrača u skladu sa članom 9. ovih propozicija.

Na zahtjev gostujuće ekipe domaćin susreta mora omogućiti gostujućoj ekipi trening na terenima sat vremena prije početka susreta u trajanju od 20 minuta.

Član 19.

Za vrijeme susreta na stazu smiju ulaziti samo igrači koji nastupaju ili su angažovani za pomaganje kod izbijanja (po jedan iz svake ekipe za precizno izbijanje i po pet za brzinska izbijanja, četiri za pomoć izbijaču i jedan za pisanje pogodaka).

Član 20.

Voditelji ekipe radi izbjegavanja sporova i radi priznavanja rekorda uz kontrolu člana protivničke ekipe, popunjavaju obrazac za precizno i brzinsko izbijanje.

Za rekord će se priznati samo obrasci CBS-a s potpisima voditelja jedne i druge ekipe i sudija.

Član 21.

Pobijednik susreta je ekipa koja je osvojila više poena (više pobjeda u pojedinim disciplinama). Za pobjedu se dobijaju dva boda a za neriješeni rezultat jedan bod.

Za pobjedu u svim disciplinama dobija se 2 poena. U slučaju neriješenog rezultata u svim disciplinama dobija se po jedan poen.

Ukoliko ekipa u toku susreta (radi isključenja bez prava zamjene ili povreda) ostane sa pet igrača i ne može dovršiti susret gubi susret maksimalnim rezultatom bez obzira na trenutni rezultat na terenu. U tom slučaju evidentiraju se rezultati u skladu sa propisima i Pravilnikom o takmičenjima a koji se odnose na gubitak sureta službenim rezultatom.

Član 22.

Susreti se igraju prema rasporedu takmičenja.

Susreti se u pravilu ne odlažu. Susret može biti odložen samo u slučajevima i na načine koji su propisani Pravilnikom o takmičenjima.

Susreti poslednjeg kola takmičarske sezone CBPL moraju se svi odigrati u isto vrijeme i nema mogućnosti promjene termina odigravanja pojedinih susreta, jedino je moguće otkazati sve susrete kola.

Član 23.

Kašnjenja na susrete i pravila u tom slučaju propisana su Pravilnikom o takmičenjima CBS-a.

Član 24.

Uslovi kada dolazi do prekida utakmice i načini postupanja u tim slučajevima propisani su Pravilnikom o takmičenjima CBS-a.

Član 25.

Kod povrede ili bolesti igrača i nemogućnosti nastavka daljnjeg toka susreta igrač nema pravo nastupa u daljnjem toku susreta (ni u paru). Postignuti rezultat evidentira se na sljedeći način:

- Pojedinačno klasično: igrač gubi susret: 13: x onoliko punata koliko je do tog momenta ostvario.
- Bližanje i izbijanje u krug: igrač ne gubi nužno susret već mu se priznaje do tada ostvareni rezultat, s time da se protivniku pored punata koje je postigao priznaje maksimalno šest (6) punata za svaku turu igre koju bi odigrao do kraja susreta (šest punata po turi igre).
- U igri par klasično i trojka klasično: dopušta se ekipama da nastave susret i s jednim (par) odnosno dva (trojka) igrača ako je povreda igrača uslijedila nakon što je već izvršena zamjena u tom paru ili trojci

- U preciznom izbijanju: igraču koji se povrijedi priznaje se do tada postignut rezultat s time da protivnik mora nastaviti s izbijanjem kako bi se mogao odrediti pobjednik
- U štafetnom izbijanju: nakon povrede i odustajanja jednog od igrača, ekipa čiji se igrač povrijedio nema pravo daljnjeg izbijanja, priznaje joj se do tada postignut rezultat s time da protivnik mora odigrati svoje izbijanje kako bi se moglo odrediti pobjednika. Drugi igrač koji nije odustao zbog povrede ima pravo nastupa u daljnjem toku susreta
- Igrač koji se na zagrijavanju povrijedio može se zamijeniti s drugim raspoloživim igračem s klupe (samo u paru i trojki) za rezervne igrače, s time da nema više pravo nastupa u daljnjem toku susreta.
- Igrači u pojedinačnim disciplinama (bližanje i izbijanje u krug, pojedinačno klasično, brzinsko i precizno izbijanje) u slučaju povrede u vrijeme zagrijavanja ne može se zamijeniti sa drugim raspoloživim igračem sa klupe, već susret gubi, klasične discipline 13:0 i 20:0 tehničke discipline.

Član 26.

Ako igrač samovoljno napusti susret, sudija samovoljno napuštanje terena kažnjava žutim kartonom i tražiti od igrača da se vrati u teren. Ako igrač samovoljno i konačno napušta teren ekipa iz koje je igrač nema pravo zamjene toga igrača u disciplini para i trojki odnosno postupanja u ostalim disciplinama su sljedeća:

- Igrač je diskvalifikovan (crveni karton) i nema pravo nastupa u sljedećim disciplinama tog susreta
- U disciplini pojedinačno klasično susret se registruje s rezultatom 13:0 bez obzira na stanje rezultata i preostalog vremena za igru u trenutku napuštanja terena od strane igrača
- U disciplini par klasično i trojka klasično: dopušta se ekipama da nastave igru i s jednim (par) odnosno dva (trojka) igrača ako je jedan od igrača samovoljno napustio teren.
- U bližanju i izbijanju u krug nakon početka igre igrač gubi susret rezultatom 20:0 bez obzira na do tada postignuti rezultat i na broj preostalih tura za igranje
- U preciznom i štafetnom izbijanju ekipi ili igraču koji odustane bez valjanog razloga briše se do tada postignuti rezultat u toj disciplini, te se protivničkoj ekipi evidentira pobjeda. Obaveza je protivničke ekipe ili igrača da odigra svoje izbijanje radi evidencije postignutog rezultata i pobjede u toj disciplini. Ne smatra se odustajanjem ako ekipa ili igrač nema vremena za izbacivanje još jedne boće (brzinsko i štafetno izbijanje).

Član 27.

U disciplinama klasičnih igara (pojedinačno, parovi, trojke) moguće je zatražiti TIME OUT jedanput u toku utakmice od 1 (jednog) minuta. Time out ne produžava vrijeme utakmice.

TIME OUT mora biti nakon završne ture igre i ne u toku posljednjih 10 (deset) min utakmice.

TIME OUT je dopušten i u disciplini bližanje i izbijanje u krug u krug.

Član 28.

Poredak na tabeli u ligaškom dijelu takmičenja (10 kola) određuje se na osnovu osvojenih bodova. U slučaju istog broja bodova dva ili više klubova, konačan poredak određuje se na osnovu međusobnog skora (bodovi, poeni pa punkti).

Ako su klubovi i dalje u jednakosti poredak se određuje u odnosu na ostvarene bolje ukupne poen razlike pa u odnosu razlike u punktima.

Član 29.

Zapisnik sa susreta vodi se na obrascu koji propisuje CBS.

Zapisnik popunjavaju sudije, a potpisuju ga pored njih voditelji domaće i gostujuće ekipe.

Sudije moraju u roku jednog sata nakon završetka susreta Komesaru za takmičenje poslati fotografiju Zapisnika sa susreta putem elektronske pošte, putem MMS-a i jedne od aplikacija (Whats up, Wiber) u dogovoru sa Komesarom za takmičenje.

Original zapisnika sa susreta sudija treba dostaviti Komesaru za takmičenje najkasnije dva dana nakon susreta (48 sati).

Sudije koje ne ispunjavaju svoju obavezu u pogledu dostavljanja zapisnika disciplinski će se procesuirati na osnovu prijave Komesara za takmičenje a u skladu sa Pravilnikom o disciplinskom postupku i Pravilnikom o radu sudiske organizacije.

Član 30.

Način popunjavanja CBL-a u slučaju kada prije donošenja kalendara i održanog ždrijeba jedan ili više klubova odustaju od takmičenja određuje Upravni odbor CBS-a.

Član 31.

Ekipe nastupa u sportskoj odjeći koja je propisana Pravilnikom o takmičenjima CBS-a.

Član 32.

Sudije samostalno i neopozivo odlučuju o događajima prije i za vrijeme susreta, na stazama i izvan staza.

Sudije pregledaju knjižice o registraciji igrača i valjanost potvrde o zdravstvenoj sposobnosti.

Oni kontrolišu jesu li svi prijavljeni igrači prisutni od početka susreta, prijavljeni igrači za napuštanje terena s klupe moraju tražiti odobrenje od sudija ako žele izaći van terena ili dvorane. Na klupi za rezervne igrače mogu sjediti voditelj ekipe i predstavnik kluba.

Član 33.

Utakmice CBPL-e vodi jedan sudija.

Tokom štafete kontrolu ispravnosti pogodaka na jednom tepihu obavlja kapiten, voditelji ekipe ili uslučaju njihove sprječenosti neko od igrača druge ekipe u odnosu na ekipu koja u tom trenutku izvodi štafeto izbijanje.

Član 34.

Sve odluke koje donose sudije su neopozive.

Žalba na rezultat susreta se može izjaviti sudijama na susretu u napomeni Zapisnika sa susreta, a mora se i dostaviti Komesaru za takmičenje u pisanom obliku, najkasnije u roku od četrdest i osam (48) sati od završetka susreta uz dokaz o uplati takse od dvadeset (20) eura na račun CBS-a.

Žalba na rezultat se može podnijeti i nakon završetka susreta, bez upisivanja u zapisnik sa susreta, Komesaru za takmičenje pismenim putem najkasnije u roku od četrdest i osam (48) sati od završetka susreta uz dokaz o uplati takse od dvadeset (20) eura na račun CBS-a.

Ostale žalbe: suđenje, organizacija susreta i dr. pored izjave sudijama na susretu u napomeni Zapisnika sa susreta, a što se mora potvrditi i dostavljanjem žalbe u pisanom obliku Komesaru za takmičenje, može se dostaviti u pisanom obliku i Komesaru za takmičenje najkasnije u roku od pet (5) dana od završetka susreta uz potvrdu o uplati takse od dvadeset (20) eura na račun CBS-a.

Prekršaji koji ne zastarijevaju kao što su namještanje rezultata, lažno predstavljanje, falsifikovanje dokumenata, nastup igrača koji nisu imali pravo nastupa na susretu i slično kojima rok za žalbu nije ograničen, mogu se prijaviti i naknadno.

Komesar za takmičenje (Komesar za suđenje CBS-a) rješava žalbe u prvom stepenu u roku tri dana od prijema žalbe i u roku od dva dana o tome pisanim putem obavještava podnosioca žalbe.

Na prvostepenu odluku može se uložiti žalba u pisanom obliku Upravnom odboru CBS-a, uz dokaz o uplati takse u iznosu od pedeset (50) eura. Žalba se mora podnijeti u pisanom obliku u roku od tri dana od dana dobijanja pisanog rješenja od strane prvostepenog organa. Upravni odbor donosi odluku u roku od pet dana od dana prijema žalbe i njegova odluka je konačna. Odluka Upravnog odbora mora biti u pisanom obliku dostavljena podnosiocu žalbe u roku od dva dana od dana donošenja odluke.

U slučaju da se žalba usvoji uplaćena taksa se vraća klubu, u protivnom ako žalba bude odbijena taksa predstavlja prihod CBS-a.

V PROTOKOL PREDSTAVLJANJA EKIPA I PODJELA NAGRADA

Član 35.

Na početku susreta svi prijavljeni igrači u propisanoj sportskoj opremi, sa oznakama kluba, moraju izaći na teren i pozdraviti se međusobno a zatim i publiku, nakon čega svi napuštaju teren.

Član 36.

CBS osigurava svečano proglašenje pobijednika ligaškog takmičenja.

Prvoplasirani CBPL dobija pehar u trajno vlasništvo .

VI FINASIRANJE

Član 37.

Klubovi koji se takmiče u CBPL moraju uplatiti kotizaciju i dokaz o uplati donijeti na dan ovjere spiskova igrača. Visinu naknade odlukom određuje Skupština CBS-a na predlog Upravnog odbora.

Član 38.

Sve troškove vezane za dolazak na susrete i organizacije susreta snose klubovi učesnici CBPL.

Član 39.

Troškove sudija za surete snosi domaćin susreta i dužan ih je platiti sudiji po završetku susreta o čemu od sudije dobija potvrdu. U koliko troškovi ne budu plaćeni sudiji po završetku sureta, sudija to evidentira u napomeni Zapisnika sa sureta. U tom slučaju ekipa je dužna da troškove suđenja izmiri u roku od tri dana od dana odigravanja susreta o čemu sudija obavještava Komesara za takmičenje. Ekipa ne može nastaviti sa takmičenjem dok ne izmiri troškove suđenja sa predhodno odigranog susreta.

Troškovi suđenjase sastoje se od sudiske takse i od troškova putovanja u slučaju ako je tako određeno odlukom o visini sudskih troškova za odigravanje utakmice koju donosi Skupština CBS-a.

VII PRELAZNE I ZAVRŠNE ODREDBE

Član 41.

Na svim takmičenjima u nadležnosti CBS-a priznaju se ostvareni rekordi u preciznom, štafetnom i brzinskom izbijanju i u krug.

Zapisnik CBS-a o rekordima treba dostaviti Komesaru za takmičenje koji je mjerodavan za verifikaciju.

Član 42.

Izmjene i dopune ovih Propozicija donosi Upravni odbor CBS-a na način i po postupku koji važi za njihovo donošenje.

Član 43.

Propozicije takmičenja CRNOGORSKA BUĆARSKA PRVA LIGA sezona 2024 stupaju na snagu danom donošenja na sjednici Upravnog odbora.

U Tivtu 12.03 2025 godine

Crnogorski bućarski savez

Predsjednik

